



14376

laus

III Mos. S. Or. P


Wielkopol.

*Budzik: Joann. Stanisl. Jupiter literatus Orbis
Academici moderator*

PANEG. et VITAE

Polon. Fol.

N^o 417.



I V P I T E R
L I T E R A T V S,

OBIS ACADEMICI MODERATOR
Sceptrum aureum dextrâ manu, argenteum sinistrâ tenens,
DVM

Magnificus, Perillustris, & Admodum Reuerendus Dominus,
D. M. STANISLAVS
JVRKOVSKI

S. Theologiæ Doctor, & Professor, Præpositus S. Floriani, Custos Opatoui-
ensis, Prothonotarius Apostolicus, Scholarum Collegij VLADISLAVIANI Pro-
uisor, & studij GENERALIS Almæ Vniuersitatis ACADEMIÆ Cracouiensis

RECTOR,
felicissima Rectoratûs primordia
auspicaretur,

A
M. IOANNE STANISLAO RVDZKI P. D. & P. P.

non sine votis solennibus,

ac
debitâ cum veneratione
nuncupatis,

Aoniâ Apollinis Lyrâ,

CELEBRATVS.


Anno Domini 1659. IV. Idus Maij.

CRACOVIÆ.

Apud Viduam Lucæ Kupisz, S. R. M. Typogr.



Um singularis quaedam, Magnifice, Perillustis, & Admodum Reuerende Domine Rector, diuina prouidentia, in hac senecta mundi, atq; inclinatis seculo, Orbem Sarmaticum, ad communes regnorum occasus reuoluentem sese, benignissimâ moderetur ratione: tûm profectò, Primigenium istius Regni inclyti Athenaeum, quanta sibi cura sit, luculenter cognouimus, dum Te Supremum Orbis Academici Moderatorem, uotus omnium ac suffragijs electum, publicis cum acclamationibus accepimus. Decuit sane, ut u sceptra Almae Vniuersitatis amplissima assumeret, qui numine quodam afflatus diuino, iuuans Pater iudicaretur; dicam potius, IVPITER ACADEMIÆ crebris sermonibus vsurparetur. Nam si ab hominibus Apollineis, Diuum hominumq; Parens, appellari solet Iupiter: non iniuriâ Te conuersu casibus, non modò eam ob causam appellabimus, à iuuando Iouem, quòd altissimum Ordinem Academicum, sedem illum supremam eruditaram mentium, adiuueris; uerùm etiam, quòd sarculos Almae Parentis, atq; inclyti Orbis Sarmatici, firmatâ iam stirpe uirtutis, ad maturitatem perduxeris. Depradicarem hîc Tuas, in auito hoc & sacrosancto Regni Poloniae Parnasso, sedulas lucubrationes; nisi eas non modò persequi, & commemorare scribendo, aut distinguere partiendo; sed etiam recordari cogitando, aut notare non possem obseruando. Quod ergo primum adiumentum? scilicet post obsecras, spectatissimas in monte Parnassi lauros, informandæ Ducis in OSTROG, & ZASLAW, proli illustrissimâ adiunctus, eâ laude, in illa familia amplissima florebas, quæ nunc etiam permagni interest, ad ornamenta Tua, gratiq; animi fidelem memoriam prædicandam, & habendam. Iam iusta gloria Tua, altissimus defixa radicibus, quæ est fructus ueræ uirtutis honestissimus, cum ore, atq; sermone omnium percrescibisset, Artistarum Te nobilissimo coniunxit Collegis; atq; ubi spectata illa, ac nobilitata pectora maiorum, nostrorum, uidissent insidere, eam in Te egregiam uirtutis indolem, quæ noctes & dies, animum gloriæ stimulis concitaret, ad summam Te perduxerunt Collegij Maioris consociationem. O dulcissimam memoriam temporis illius! cum Tu Magnifice Vir in eam Palastram TILICIANAM incidisti, quæ iuuentutem Poloniam, studijs feruentissimam, nobilitate illustrem, indole eximiam, animo generosam, uoce, motu, formâ, magnificam quodammodo, possidebat. O rem cum auditu iucundissimam, tûm visu delectabilem! dum Tu Vir, ad omnia summa nate, perinde ac Hercules Gallicus, eâ Suadâ, quæ etiânum dulcescit, in cordibus nostris, generosam illam Orbis Sarmatici progeniem, traxisti uictam quodammodo, uinxisti auideatim aureum flumen orationis delibantem. Magna hæc sunt adminicula, ad integritatem, salutemq; Almae Parentis conseruandâ, fateor. etiamne hanc ipsam uitam ACADEMIÆ, DEO DUCE, & Auspice, quam uiuimus liberè. Te inspirasse negabimus? nequaquam profectò. Obstupescunt posteri certè, à Te tantam molem negotiorum, tantum pondus difficultatum, tanta momenta rerum, cum laude, & gloria, in rem Reipub. literariæ, confecta esse. Nec enim illa tua peregrinatio diutina, tua esse potius censebitur, quàm MAGNI IAGELLONIS lectissima proli, quæ uitam, in Patrio solo, antè nequaquam habuisset, quàm vitales calitûs ferè auras, apud exteras gentes, traxisset. Quare conscende auspiciatissimo omine, supremi fastigium honoris: fortunatus exoriare Paladi, quam de fertilissimo sapientiæ Tuæ molimine, in lucem hanc lucidissimam, eduxisti: moderare sceptro aureo, calum hoc calatum Professorum, eximiâ mente, & consilio præditorum: MVSAS VLADISLAVIANAS, meq; non minûs ob Tuam, erga me, toties contestatum amorem, meamq; uicissim grati animi in Te pietatem; quam ob debitam mearum Camanarum uenerationem, amore paterno complectere: argenteum autem, cum alterâ teneas manu, candida generosa iuuentutis pectora, tuo regimine soue. Vos uerò. ô lectissima Patria, & ACADEMIÆ Progenies, læti, & alacres, ad hoc sceptrum accurrite! eaq; delicias, quas nunc pectore flagranti, illustres animæ, Tartouiorum, Cetnerorum, Podlesciõrum, Roxiciõrum, Niemirorum, Tarnowsciorum, Gniewosiorum, Lubowiecciorum, aliorumq; Sexcentorumq; delibant, degustaturi accedite: felici sub regimine, Parentis studiorum uestrorum, & Prouisoris, quod utinam diuturnum sit, uotis uota nuncupando, felicissima studiorum curricula peracturi.



JVPITER LITERATVS.

Non sola vastis cardinibus poli
Suspensa moles, fulminei Patris
Fasces adorat; nec Senatum
Sola regit, super eminenti
Throno Polorum, dextera calicum,
Auro micantem, milleque iaspidum
Flammis refulgentem Coronam,
Parrhasiæ Pater ipse Diuæ,
Non solus alto vertice sustinet.
Sunt & togatis scepra sua, & sui
Regesque, Patresque, & supremo
Qui Cracium moderentur Orbem
Nutu Monarchæ. iam perit suo
Anus vetustas cum Ioue; numinum
Cessere mentitæ curules,
Ætherei mala turba tecti;
At eruditum crescit in annuis,
Surgitque fastis imperium, suos
Iouesque cultu literato,
Palladius veneratur Orbis.
Qualem togato Te solio super
Latè micantem, plausibus excipit,
Stoæque, Rectorem Cathedras
Lata nouum resonat per omnes,
Regina pubis Sarmaticæ Parens,
Altrixque doctæ maxima Lechiæ,
Desideratum quem tot annis
Esse sibi voluit Parentem.
At ô Polonæ gemma scientiæ!
Confecta votis corda gementibus,
Tandem serena læta summo
Cerue Iouem, studijque Patrem
Cælo repostum Cracidis inclytæ.
Hic ille Doctor, Theologiæ decus
Primum cathedræ, prima sacræ
IVRKOVIVS Cynosura sedis.
Tenella cuius ZASLAVIÆ Ducum
Parere doctis sidera nutibus,
Orbesque circumferre claros
Visa, per Hesperias remoti
Oras Trionis, grandeque pignorum
Gestasse pondus; TILICH suum


Quem

Quem rostra Praesidem, suumque
 Barbata quem stupuere Phœbum.
 Ille & Poloni maxima Climatis,
 Et exterarum pectora gentium,
 Virtutis, atque literarum
 Dotibus eximijs, in arctas
 Leges amoris, traxerat intimi;
 Rhenumque, Scaldimque, & Latia Tybrina
 Decus Coronæ, Principemque
 Ausoniae pietatis urbem,
 Prudentiae actis attonuit suae,
 Et purpuratos cum niuea Patres,
 Sedis VATICANÆ Columba
 Innocuae folioque mitrae,
 Infractus Orbem quando Academicum
 Gestabat Atlas, parque laboribus
 Stabat trecentis, nec susurros
 Inuidiae timuit frementis.
 Victrice donec iusticiam sacram
 Laurum referret, quam Cracidis pios
 Latus coronaret Penates,
 Palladios regeretque fasces.
 Fasces, in Orbis quos facie diu
 Liuoris inter fulmina, gnaviter
 Tutatus est, vetusque Musis,
 Quod stet honos, grauitasque, fecit.
 Ergo togati Iuppiter Ordinis,
 Iuansque doctae magne Pater Rei,
 Vertexque IVRKOVĪ, caputque
 Palladis, emeritum prendendis
 Laboriosi cum decus imperi,
 Latus, secundis auspicijs dies
 Ordire, IAGELLONIIque
 Magnificum moderamen Orbis,
 O Maximorum Magne Parens virum
 Felice dextrâ suscipe. Fac tuis
 Oliua sceptris, & togatae
 Dulce bonum redeat quietis;
 Annosque sceptri continuus Tui
 Phœbus serenet. propitium velic
 Te numen, in longum virentes
 Fascibus adnumerare fasces.

A. M. D. G. B. M. V. O. SS. H.



7. 11. 24.



Biblioteka Jagiellońska



str0017118

A white rectangular label in the bottom right corner of the cover. It contains the text "Biblioteka Jagiellońska" at the top, a barcode in the middle, and the alphanumeric string "str0017118" at the bottom.

